

Nadžijeja so přidatneho spēchowanja

Różant (SN/MWj). Nowotwar Ralbičanskeje pěstowarnje dale pokročuje. Na swojim wčerawšim posedženju je gmejnska rada Ralbicy-Różant dalši twarski nadawak přepodała. Čoplotne izolowanje ma přewzać firma z Biskopiec. Nadawak ma wobjim něhdźe 350 000 eurow. Za čas dowola wjesnjanosty Huberta Rycerja je jeho zastupjer René Wjaclawk posedženje nawjedował. Po jeho słowach bě wčerawši termin trochu njezbožowny, dokelž njemóžachu zastupjerjow planowanskeje firmy přeprosyć. Terminowych předpisow za přepodaće twarskeho nadawka dla pak dyrbjachu nadawak wčera wobzamknýć, tež hdyž nimale položca radžičelow pobrachowaše.

Kaž zastupjerka twarskeho wotrjada zarjadniskeho zwjazka Při Klósterskej wodźe wčera informowaše, su z projektom po planje. Zemske džěła su mjeztym wotzamknjene a medije su přepoložene. Tuchwilu twarja zakładnu platu. „Postup je wočiwidny“, Wjaclawk rjekny.

Přiwšëm načinja přidatne kóšty za nowu pěstowarnju radžičelam starosće. Rozsudne prašenje je, hač dóstanu za přidatne wudawki runje tak spēchowanje kaž za najprjedy planowane kóšty. Wo tym su so zastupjerjo gmejny spočatk julija z druhej přirjadowanej Budyskeho krajneho rady Dr. Romy Reinisch rozmołwjeli. Po wčerawšich wuprajenjach smědža so w Delanach nadžijeć, zo dóstanu spēchowanje za přidatne kóšty. Tuchwilu liča z něhdźe 1,2 milionomaj eurow njeplanowanych wudawkow. W tym zwisku sej radžičel Tomáš Bjeňš žadaše, zo měli wšitke wotchilenja wot planowanych wudawkow na blido gmejnskich radžičelow. Nic jenož płacizny džě su so podrošili, ale tež přehlad jednotliwych džětow dyrbi so wobkedźbować.

Kaž René Wjaclawk wčera zdžěli, přewjedu 17. awgusta symboliski přěni zarjow za nowu pěstowarnju. K tomu su sakskeho ministerskeho prezidenta Michaela Kretschmera přeprosyli.



Twarske džěła za nowu Ralbičansku pěstowarnju běža nimale po planje. Tuchwilu twarja zakładnu platu.
Foto: Feliks Haza